

## Wakita na a puwantaa Paul ge TITUS

### *Ga use á Paul ge Titus*

<sup>1</sup> Wakita na yá anƙwa á puwetá ba iya Paul, ya nave á Dadaamiya, ya slebela á Yaisu \*Almasiihu. Slera-aaruwa wá, ya se melateru ge emnde na a dzeratersaa Dadaamiya na, geni tá de fetarfe áte ɲane, ira tá diyeddiye zlaɓe jirire-aara. Jirire-aara ɲanna maa, á fa ura áte unɲule á Dadaamiya.

<sup>2</sup> Ate unɲule á Dadaamiya ɲanna maa, emnde ta naba diyeddiye geni sharansha shifa na á zleka na. Adaba Dadaamiya wá, ɲane á iceka fida dƙidƙi, ndza a ɲgudateraa namána-aara ge emnde, kwaye am fakte á duksa bademme, geni tá de shá shifa ɲanna.

<sup>3</sup> Ba samsa sarte na ndza a fanaa ɲane na wá, a naba jesarehe ge shifa ɲanna am elva-aara na tá anƙwa balaná emnde-aara na. Ge iya keni a fiyaare ba Dadaamiya na Slelyamilya na slera á de balatera elva ɲanna ge emnde umele keni.

<sup>4</sup> Yá anƙwa puwakta ge ekka Titus, ekka na gakevge ba seke egdza-aaruwa, adaba má áte barama palle am elva á Yaisu \*Almasiihu. Tara Eddemiya Dadaamiya tá antara Yaisu Almasiihu Slelyamilya, a magarakanaamaga ɲurna, a varakteva hairire.

### *Slera á Titus am larde á Kairaita*

<sup>5</sup> Ndza ya yakaa am Kairaita geni ká tsat-sanaatsatse názena ndza jauje na, ira ká bazlaterbázla male-aha á aiklaisiya am ekse-aha bademme ba seke una ya ndakndaa na.

<sup>6</sup> Má ká fá ura am malire á aiklaisiya wá, sey ká fa edda una baaka duksa mándzawe am nane, zhele á mukse palle, egdzara-aara keni fartarfe áte Yaisu \*Almasiihu, shagera zlalava-aatare keni. Daaci emnde tá taa shánka duksa mándzawe áte itare, tá ankwá nanna geni egdzara nanna tá ankwá fansarfe ge eddetare.

<sup>7</sup> Male am aiklaisiya wá, nane sleslera á Dadaamiya. Adaba una nanna, sey ká fá ba edda una baaka duksa mandzawe áte nane. Á taa gevka an edda una á kátá gálá, bi slervauñde, bi slembazla, bi sledágala an emnde, bi sletataya nalmane an zlerma.

<sup>8</sup> Sey edda una á lyiya wayve-aha-aara an higa, á kátá mága ba shagerire. Adaliye, sey slenjkale antara slejirire, slecudedde, á nanaña vuwa-aara.

<sup>9</sup> Male á aiklaisiya wá, sey edda una nanaña jirire á elva á Dadaamiya na má ankwá kwaratersá miya ge emnde na. Daaci nane keni á dzegwándzegwa vaterte ndzedá ge emnde umele keni an elva nanna, á naba dzegwándzegwa ndaterndaha ba parakke haypa-aatare ge emnde na kwalarevkwale jirire á Dadaamiya na keni.

<sup>10</sup> Bazlaterbázla á ba áte una yá ankwá ndakndaa na, adaba tá vayye jipu emnde na degdege ire-aatare, tá tsáká ba elva na baaka sera-aara dekideki na, tá kedá ba emnde an nane. Jeba

á emnde ñanna vayya ba Yahudiya-aha na ta bantsa itare: sey emnde tá demda am shedfekwe na.

<sup>11</sup> Daaci male-aha á aiklaisiya-aha wá, sey tá ndaternda ba parakke ge Yahudiya-aha ñanna geni a ďarufde we-aatare ba tseriyye, adaba tá wsha emnde kwakya am mba-aha-aatare an elva-aha-aatare ñanna. Elva na tá anƙwa kwaratersá itare ge emnde na wá, una zlayeka dekideki, tá zlerma ba shunƙu an ñane.

<sup>12</sup> Ndza anƙwa ura Kairaita umele nabi wá, ba ñane keni a ba ñane: Emnde a Kairaita tá njá á maga ba fida, ta ba seke dabba-aha an mandzawire, ta emnde a masefe zlaƙe adaliye, baaka nampire-aatare dekideki, slera-aatare ba huƙe.

<sup>13</sup> Elva a nabi ñanna wá, ba jirire. Daaci ekka wá, valaterarvala ba shagera ge jeba á Kairaita-aha ñanna, lauktu itare keni tá de dƙaba Dadaamiya á ba an jirire.

<sup>14</sup> Belaternaaka una sey ba ka ndaterndaha geni á dƙabarka elva á eggye-aha á Yahudiya-aha antara naƙe-aha á emnde na tá dƙabeka jirire á Dadaamiya na.

<sup>15</sup> Emnde na dzayye ervaunƙe-aatare á katafke á Dadaamiya wá, ma jeba-ara keni, tá slaslanu ba ge cuƙeƙƙire. Amá emnde na fartareka áte Dadaamiya wá, ervaunƙe-aatare danƙwe, ma jeba-ara keni itare tá slaslanu ba ge danƙwire. Bademme á názena tá slaslanu itare am ervaunƙe-aatare, antara názena tá maganá itare, duksa á zherwe bademme, amá baaka lambe-aatare ge itare.

<sup>16</sup> A ba itare ta emnde á Dadaamiya, amá názena tá maganá itare wá, shagerka d'ekideki. Daaci tá dise á ba áte una nanna emnde geni itare d'abarka Dadaamiya. Ad'aba tá fansareka d'ekideki ge nane, ta kelaade-aha jipu am ice-aara, tá taa maganaaka duksa shagera.

## 2

### *Náwa tá d'abaná estuwa emnde unjule á Dadaamiya*

<sup>1</sup> Amá Titus ekka wá, kwaratersekwáre ka ba jirire á Dadaamiya ge emnde.

<sup>2</sup> Bateránba ge emgyegwar zála geni a garevge emnde a enkale, a magarmága duksa á ba áte unjule-aara, a kwararukwáre vuwa-aatare am duksa bademme, a garevge emnde a wáyáva, emnde a farvaun'ge antara emnde a fetarfe.

<sup>3</sup> Ba estuwa ge emgyegwar njwasha keni, naba ndaternda ka geni a magarmága názena á kataná Dadaamiya. A balarka paysad'a, a garevka emnde a mbazla, amá a kwararatersekwáre z'láláva na shagera ge emnde umele keni.

<sup>4</sup> Má emgyegwar njwasha tá nja estuwa, njwasha umele keni tá de tsahese áte itare geni tá wayaná estara emnde zala-aha-aatare, ira egdzara-aatare.

<sup>5</sup> Zla'be ádaliye tá de tsahese mága enkale á jirire am duksa bademme, tá de dzegwándzegwa njá vuwa-aatare, tá de gev njwasha jirire am hu'de á há-aatare, tá de

fatersare ge zala-aha-aatare. Daaci má zlalava-aatare gevge estuwa, emnde keni tá de ndaaka elva mándzawe áte elva á Dadaamiya.

<sup>6</sup> Ba estuwa ge dawalaa keni, naba ndaternda geni a garevge emnde a enjkale am duksa bademme.

<sup>7</sup> Ekka keni sey ká maga ba duksa na ni watse shagera na, lauktu dawalaa umele keni tá de dfaba ba sera á ña. Máki ká anjkwa kwaraterse duksa, kwaratersekware á ba an jirire, an enjkale á ña bademme.

<sup>8</sup> Kwaratersekware jirire á Dadaamiya ge emnde, áte una ni baaka ura á de epsawa elva á ña ñanna, daaci emnde na tá kátá nyanya elva á ña na keni, tá de háslá ba itare, adfaba tá de shanka duksa mándzawe áte miya.

<sup>9</sup> Ba estuwa ge nave-aha keni, naba ndaternda geni a faratersarfe ba kelaazare ge dada-aha-aatare, a magariateránmaga názena tá kataná itare na, a kwalarevka elva-aatare dfekideki.

<sup>10</sup> A ilarka egdzar duksa-aha-aatare. Arge una ñanna wá, itare a magarmága ba slera-aatare, daaci tá de dise áte una ñanna dada-aha-aatare geni dzayye ervaunđe-aatare. Má tá nja estuwa, emnde tá de fa zherwe áte elva á Dadaamiya Slelyamilya na má anjkwa ndaná miya na.

<sup>11</sup> Shagera emnde a fetarfe tá njá áte una yá anjkwa ndakndaha na, adfaba Dadaamiya keni marsemare ngurna-aara áte ice á emnde bademme, geni ñane wayaawaya á lyamiyaalya.

<sup>12</sup> Dadaamiya a magamiyaa ngurna estuwa na wá, daaci adfaba ngurna ñanna wá, má dzegwándzegwa yá mága názu wayaaka ñane,

ira shagerkire na á kataná ervaunđe á emnde am duniya. Am zamane á miya kina na wá, gaumiyevge emnde a enjkale, emnde a jirire, emnde a mága namaari á Dadaamiya.

<sup>13</sup> Magaumimága una, ge páká háre yaikke na má tamáná miya ge de higa am hude-aara na. Amaana: Vaci sleksire á Dadaamiya, vaci sawa á Yaisu \*Almasiihu na Slelyamilya.

<sup>14</sup> Njane a naba emtsehe adaba miya, geni a varamisevare am haypa á miya bademme, geni a gamiyevge emnde cudedfde á katafke-aara, mí higa ge mága shagerire.

<sup>15</sup> Kwaye njane duksa na ká de kwaratersá ka ge emnde. Adaliye: fateremfa ndzedá am vuwa ge emnde na tá anjwa cenakvaara elva na, naba valaterarvala ge emnde na tá cenka elva á njana keni. Má ká ndaha elva, ndaterndaha á ba an hakuma, a epsawaranjka dekidfeki.

### 3

#### *Zlalava á emnde na sharansha shifa anjwaslire*

<sup>1</sup> Yehateranteyeha ge emnde a fetarfe geni a faratersarfe ge slekse-aha á larde, antara male-aha á ekse, a magarka gardire am názena tá ndaná itare, amá ma vaatara keni a magarmága niya á mága názu shagera.

<sup>2</sup> Báteránba zlafe adaliye geni a valyarka elva yaiyaihe áte ura, a dagalarka an emnde. Itare wá, a garevge emnde a kemaare, a farfa dárádza áte emnde umele keni.

<sup>3</sup> Ba miya keni ndza cekwa enjkale á miya werre, ndza má fansareka ge ura dekidfeki, ndza

má an keda áte unḡule á jirire, ndza má maga ba shagerkire á duksa na á kataná ervaunḡe á miya, ndza ma emnde a mándzawe, ndza má shelha áte duksa á ura, ndza má hayánka emnde ḡekidēki, itare keni tá hayámika.

<sup>4</sup> Ma ndza má maga ba una ḡanna keni, am sarte na hyephye sarte á Dadaamiya Slelyamilya wá, a naba maramiya kwakyire á kemaarire-aara geni ḡane wayaawáyá emnde baḡemme.

<sup>5</sup> Daaci a naba lyamisehe. A lyamise aḡaba mi maganaa duksa ka, a lyamise aḡaba kwakya zezarizire-aara. An hakuma á Shedekwe Cufedḡe a baramise haypa am ervaunḡe, a yamise ge buwire, geni má shansha shifa anḡwaslire.

<sup>6</sup> Dadaamiya a vamite Shedekwe-aara ḡaaka zlakta-aara á kya erva an Yaisu \*Almasiihu Slelyamilya.

<sup>7</sup> A magamiyaa ḡurna geni mí gevge emnde a jirire á katafke-aara, má de shansha shifa na á zleka na keni ḡaaka shaige-aara.

<sup>8</sup> Baḡemme á elva-aha ḡanna, ba jirire. Wayanwaya ka ndaterndaha ba kelaazare ge emnde a fetarfe, geni a magarmága duksa áte unḡule-aara. Mága duksa an unḡule-aara wá, shagera a naba melaterumele ge emnde umele keni.

<sup>9</sup> Má emnde tá maga ga jawe am dagave-aatare wá, feka we á ḡa am huḡe-aara. Ma tá ga jawe arge ḡabava á eggye-aha werre, ma arge naḡe-aha á Yahudiya-aha keni, feka we á ḡa á dem huḡe-aara ḡekidēki, aḡaba ḡaaka nampire-aara.

<sup>10</sup> Má jerje sletega ye á emnde, naba valarvale

ge edda-aara. Má zlaβe á yanka wá, valarvale ge buwire. Má á cenka đekidėki wá, đabeka tate-aara.

<sup>11</sup> Ba ekka keni diyakdiya geni jeba á emnde ŋanna jaraaveje áte barama á Dadaamiya, itare mbarsembe mága mandzawire, haypa-aatare á shebeka đekidėki.

*Ga use á Paul am halavuwa á elva-aha*

<sup>12</sup> Náwa watse yá βela ura á dezekure, bi Artaimas bi Tikikus. Má daada wá, ettataya pute ba watsewatse ge dezeruwa am Nikaupaulis. Náwa njanantenja átekwa, geni yá de njá áhuwa am sarte á ekhye.

<sup>13</sup> Melaterumele ba shagera ge tara Zainas ŋane una edda á shairiya, tá antara Apaulaus, geni a ektsaterareka náza a ja wedere-aatare am shula má tsarettse azekure.

<sup>14</sup> Emnde a miya keni, sey a tsartsaha mága slera á maggwire, lauktu tá de mbesembe itare keni melateru ge emnde na cekwa ndzedá-aatare ge ja wedera á jirire. A magarmaga una ŋanna geni zlaláva-aatare a gevka ba dey.

<sup>15</sup> Bađemme á emnde na ŋa kerđe áhuna tá aŋkwa gak use-aatare. Gaterga use-aaruwa ge egdzar mama-aha á miya am fetarfire. A hyantehye Dadaamiya ŋgurna-aara áte kure bađemme á kure.



**Wakita á Dadaamiya**  
**La Bible en wandala**

copyright © 1999 Wycliffe Bible Translators, Inc.

Language: (Wandala)

Contributor: Wycliffe Bible Translators, Inc.

All rights reserved.

2020-12-01

---

PDF generated using Haiola and XeLaTeX on 25 Aug 2024 from source  
files dated 29 Jan 2022

dec75dd5-4784-5059-aa00-668d508a6b0d